

Wolof - Xel mu Sell Mbind - Holy Spirit Scriptures

Goreel ga - Mucc ga 35:31 Moo ko feesale xelum Yàlla ak xareñte ak déggin ak xam-xam ak manoorey bépp xeetu liggéey,

1 Samwil - 1 Samiyel 10:6 Su ko defee Noowug Aji Sax jee naa milib ci sa kaw, ngay waxandoo ak ñoom, soppiku, doon keneen nit.

2 Samwil - 2 Samiyel 23:2 Noowug Aji Sax jee may waxe, sol ma kàddoom.

Macë 12:28 Waaye bu fekkee ne ci Xelum Yàlla laay dàqe rab, kon nguuru Yàlla agsi na ba ci yéen.

Macë 28:19 Demleen nag sàkk ay taalibe ci xeet yépp, °sóob léen ci ndox ci turu Baay bi ak Doom ji ak °Xel mu Sell mi;

Màrk 1:10 Bi muy génn ndox mi, mu daldi gis asamaan xar, te °Xelum Yàlla di wàcc ci melow pitax, ñëw ci moom.

Màrk 13:11 Saa su ñu leen jàppée nag, dëj leen ci péncum layoo, buleen jàq ci li ngeen wara wax; li ngeen jot ca waxtu woowa waxleen ko, ndaxte du yéenay wax waaye °Xel mu Sell mi.

Luke 2:26 te xamal na ko ne du dee mukk te gisul °Almasib Boroom bi.

Luke 4:1 Noonu Yeesu fees ak °Xel mu Sell mi, jóge dexu Yurdan.

Luke 4:18-21 «Xelum Boroom baa ngi ci man, ndaxte moo ma tånn, ngir ma yégal néew doole yi xibaaru jàmm bi. Dafa maa yónni, ngir ma yégal jaam ñi ne dinañu léen goreel, yégal gumba yi ne dinañu gis, te jot ñi ñu not, 19 tey yégle atum yiw, mi jóge ci Boroom bi.» 20 Bi mu jànggee aaya yooyu ba noppi, mu ub téere bi, delloo ko ki koy denc, toog. Ñépp ña nekkoon ca jàngu ba dékk koy bët. 21 Noonu mu daldi ne: «Tey jii, loolu Mbind mi wax mat na, bi ngeen koy déglu.»

Luke 12:11,12 «Bu ñu leen yóbboo ca jàngu ya, ca kanam kilifa ya ak àttekat ya, buleen am xel ñaar ci li ngeen wara tontu ak nan ngeen wara tontoo, walla lu ngeen wara wax, 12 ndaxte Xel mu Sell mi dina leen xamal ca waxtu woowa li ngeen wara wax.»

Yowaana 7:37-39 (37/38) Bés ba mujjoon ca màggal ga moo ca èpp solo; keroog Yeesu taxaw, wax ca kaw ne: «Ku mar, na ñëw ci man; ku gëm, na naan! Ndaxte Mbind mi nee na: "Ndox mu bare muy dundale dina xellee ci dënnam."» 39 Booba li ko taxoon di wax mooy °Xelu Yàlla, mi ñi ko gëm naroona jot. Fekk na joxeeguñu woon Xelu Yàlla mi, ndaxte ndamu Yeesu feeñagul woon.

Yowaana 14:16,17 Te dinaa ñaan Baay bi, mu jox leen beneen Dimbalikata, buy nekk ak yéen ba abadan. 17 Kooku mooy °Xelu Yàlla, mi yor dëgg.

Àddina du ko mana nangu, ndaxte gisu ko te xamu ko. Yéen xam ngeen

ko, ndaxte mi ngi dëkk ak yéen te dina nekk ci yéen.

Yowaana 14:26 Waaye Dimbalikat, bi leen Baay bi di yónnee ci sama tur, muy °Xelam mu Sell, dina leen jàngal lépp, di leen fàttali li ma leen waxoon lépp.

Yowaana 16:7,8 Moona de, ci sama wàll, dëgg laa leen di wax. Li gën ci yéen mooy ma dem, ndaxte su dul loolu, Dimbalikat bia du ñew ci yéen; waaye su ma demee, dinaa leen ko yónnee. 8 Te bu dikkee, dina yey niti àddina ci lu jém ci seen bákkaar, ci lu jém ci sama njubte ak ci lu jém ci àtte ba.

Yowaana 16:13-15 Bu °Xelum Yàlla mi yor dëgg gi dikkee nag, dina leen gindi ci lépp li jém ci yoonu dëgg, ndaxte du wax ci coobarey boppam, waaye lu ko Baay bi wax, mu jottali leen ko. Dina leen yégal mbir yu ñewagul. 14 Dina ma màggal, ndaxte lu mu leen wax, ci man la ko jéle. 15 Lépp lu Baay bi am, maa ko moom. Looloo tax ma ne leen, lu mu leen jottali, ci man la ko jéle.

Yowaana 20:21,22 Yeesu dellu ne léen: «Na jàmm wàcc ci yéen! Ni ma Baay bi yónnee, noonu laa leen di yónnee, man itam.» 22 Bi mu waxee loolu, mu ëf léen ne léen: «Sol naa leen °Xelu Yàlla mu Sell mi. 23 Ñi ngeen di baal seeni bákkaar, baal nañu léen ba noppi; ñi ngeen baalul, baaluñu léen.»

Jëfi Ndaw ya Kirist Yónni 1:2 ba ci bés, ba ko Yàlla yéege ci asamaan. Lu ko jiitoxoon na ay ndigal, jaare ci °Xel mu Sell mi, jém ci ndaw ya mu tånnoon.

Jëfi Ndaw ya Kirist Yónni 1:5 Ndaxte °Yaxya daa na °sóob nit ñi ci ndox, waaye yéen dees na leen sóob ci Xel mu Sell mi fi ak ay fan yu néew.»

Jëfi Ndaw ya Kirist Yónni 1:8 Waaye bu Xel mu Sell mi ñewee ci yéen, dingeen jot kàttan te nekk samay seede ci dëkku Yerusalem, ca diiwaani Yude ak Samari yépp ak ba fa àddina yem.»

Jëfi Ndaw ya Kirist Yónni 2:1-4 Bi bésu màggalu °Pàntakot agsee, ñoom ñépp booloo nañu ci benn bérab. 2 Ca saa sa riir jollee asamaan, mel ni ngelaw lu gaaw te bare doole, daldi fees dell kér, ga ñu toog. 3 Te ay làmmiñ yu mel ni sawara feeñu léen, ñu tasaaroo ci seen biir, tonj ca kaw kenn ku nekk. 4 Noonu ñu fees ak °Xel mu Sell mi ñoom ñépp, ñu daldi wax yeneen lakk, ni léen Xel mu Sell mi maye, ñu wax ko.

Jëfi Ndaw ya Kirist Yónni 2:17-19 “Yàlla nee na: Ci bés yu mujj yi, dinaa tuur ci sama Xel ci kaw nit ñépp; seen xeet wu góor ak wu jigéen dinañu wax ci kàddug Yàlla; waxambaane yi dinañu gis ay peeñu te màggat yi di gént ay gént. 18 Waaw, ci bés yooyu dinaa tuur ci sama Xel ci sama kaw jaam yu góor ak yu jigéen, te dinañu wax ci kàddug Yàlla. 19 Dinaa wone ay kéemaan ci kaw ci asamaan ak ay firnde ci suuf ci àddina, muy deret, sawara ak ay niiri saxar. (Yowel 2:28,29)

Jëfi Ndaw ya Kirist Yónni 2:33 Yàlla yéege na ko ak ndijoram, te jot na ci Baay bi Xel mu Sell mi ñu dige woon, ba tuur lii ngeen gis te dégg ko.

Jëfi Ndaw ya Kirist Yónni 2:38 Piyeer ne léen: «Tuubleen seeni bákkaar, te kenn ku nekk ci yéen, ñu °sóob ko ci ndox ci turu Yeesu Kirist. Noonu Yàlla dina leen baal seeni bákkaar te may leen Xel mu Sell mi.

Jëfi Ndaw ya Kirist Yónni 4:31 Bi ñu ñaanee ba noppi, bérab ba ñu booloo woon daldi yëngatu; te ñoom ñépp fees ak Xel mu Sell mi, ñuy wax kàddug Yàlla ak fit wu dëgér.

Jëfi Ndaw ya Kirist Yónni 8:15-17 Ñu dem fa nag, ñaanal léen, ngir ñu jot °Xel mu Sell mi. 16 Ndaxte wàccagul ci kenn ci ñoom, waaye sóoboon nañu léen rekk ci ndox ci turu Boroom bi Yeesu. 17 Noonu Piyeer ak Yowaana °teg léen loxo, ñu jot Xel mu Sell mi.

Jëfi Ndaw ya Kirist Yónni 8:39 Ba noppi ñu génn ca ndox ma, te ca saa sa Xelu Boroom bi fëkk Filib, ba jaraaf ja gisatu ko, waaye mu toppaat yoonam, ànd ak mbég. (1 Kilifa - 1 Buur ya 18:12)

Jëfi Ndaw ya Kirist Yónni 9:31 Noonu mbooloom ñi gëm nekk ci jàmm ci biir diiwaani Yude gépp ak Galile ak Samari; ñuy gëna dëgér, di wéy ci ragal Yàlla, tey yokku ci ndimbalu Xel mu Sell mi.

Jëfi Ndaw ya Kirist Yónni 10:44,45 Bi Piyeer di wax loolu, Xel mu Sell mi wàcc ci kaw ñépp ñiy déglu kàddu ga. 45 Yawut yi gëm yépp nag, ñi ànd ak Piyeer, daldi waaru ci li Yàlla tuur Xel mu Sell, mi mu maye, ci ñi dul Yawut itam.

Jëfi Ndaw ya Kirist Yónni 11:15 «Bi ma tòmbalee wax nag, °Xel mu Sell mi wàcc ci ñoom, ni mu wàcce woon ci nun bu jëkk.

Jëfi Ndaw ya Kirist Yónni 13:52 Naka taalibe yi nag, ñu fees ak mbég ak °Xel mu Sell mi.

Jëfi Ndaw ya Kirist Yónni 19:6 Te bi leen Pool tegee loxo, Xel mu Sell mi ñëw ci ñoom, ñuy wax yeneeni làkk, di wax ci kàddug Yàlla.

Jëfi Ndaw ya Kirist Yónni 20:23 Xam naa rekk ne ci dëkkoo dëkk °Xel mu Sell mi xamal na ma ne ay buum ak ay metit ñu ngi may nég.

Room 5:5 Te yaakaar jooju du ay nax, ndax mbëggeelu Yàllaa ngi baawaan ci sunu xol, jaarale ko ci °Xelam mu Sell mi mu nu may.

Room 8:9 Waaye yéen nekkatuleen ci topp seen nafsu, waaye yéena ngi topp Xelu Yàlla mi, bu fekkee ne mu ngi dëkk ci yéen. Ku amul Xelum Kirist nag, bokkuloo ci moom.

Room 8:13-16 ndaxte kuy topp nafsoom, fàww mu dee, waaye kuy not jëfi yaramam ci dooley Xelu Yàlla mi, dina dund. 14 Ndaxte ñépp ñiy déggal Xelu Yàlla mi, ay doomi Yàlla lañu. 15 Nekkatuleen fa kanam Yàlla, ni jaam bu ragal sangam, waaye Xel mi leen Yàlla sol, ay doomi Yàlla la leen def, ba tax nu di wooye Yàlla: «°Abba», maanaam «Baay.» 16 Ndaxte Xelu Yàlla mi, moom ci boppam, day ànd ak sunu xel ci seede ne doomi Yàlla lanu.

Room 8:26 Te it Xelu Yàlla mi moo nuy xettali ci sunug néew doole. Ndaxte xamunu sax naka lanu wara ñaane Yàlla, waaye Xelu Yàlla maa ngi nuy ñaanal fa moom ak i yéene yu làmmiñ manta takk.

Room 15:13 Kon Yàlla miy maye yaakaar, na def ci seen xol mbég mu réy ak jàmm ju yaa ci seen kaw ngëm, ba ngeen am yaakaar ju mat sëkk ci dooley °Xel mu Sell mi.

Room 15:19 ci ay tegtal ak i kéemaan, sukkandikoo ci dooley Xelu Yàlla mi. Ba fi mu nekk nag yégle naa fu nekk xibaaru Kirist, li dale ci °Yerusalem, jaar ci gox yépp, ba àgg diiwaanu lliri.

1 Korent 2:10-13 Fekk nag nun la ko Yàlla won, jaarale ko ci Xelam.

Xelum Yàlla mooy leeral lépp, ba ci xalaati Yàlla yi gëna xóot. 11 Kan ci nit ñi moo xam yëfi nit? Xanaa xelum nit mi nekk ci moom rekk a ko xam. Noonu it kenn xamul yëfi Yàlla, ku dul Xelum Yàlla. 12 Nun nag Xel mi nu jot, jògewul ci àddina, waaye Yàllaa nu ko sol. 13 Loolu nu Yàlla may, yéglewunu ko ci ay baat yu soqikoo ci xam-xamu nit, waaye nu ngi koy yégle ci baat, yi soqikoo ci Xelum Yàlla, di tekkantal yëfi Xelum Yàlla ci ay baat yu mu nu sol.

1 Korent 3:16 Xanaa xamuleen ne yéenay kér Yàlla, te Xelum Yàlla dëkk na ci yéen?

1 Korent 6:11 Te am na ñu meloon noonu ci yéen. Waaye Yàlla fóotal na leen seeni bákkaar, sellal leen, àtte leen ni ñu jub, ci turu Boroom bi Yeesu °Kirist ak ci dooley Xelum Yàlla, sunu Boroom.

1 Korent 12:3 Moo tax ma leen di xamal lii: ku Xelum Yàlla solu du wax ne: «Yeesu dafa araam.» Te it kenn manula wax ne: «Yeesu mooy Boroom bi,» su ko ko Xelum Yàlla waxloowul.

2 Korent 3:17 Fekk nag Boroom, bi ñuy wax foofu, moo di Xelum Yàlla, te fu Xelu Boroom bi nekk, foofa yaatu gu mat am na fa.

2 Korent 13:14(13) Yal na yiwu sunu Boroom Yeesu °Kirist, ak mbëggeelu Yàlla ak booloo, gi nu am ak °Xel mu Sell mi, ànd ak yéen ñépp.

Galasi 4:6 Gannaaw doomi Yàlla ngeen nag, Yàlla yónni na Xelu Doomam ci sunu xol, mu koy wooye nii: «°Abba», maanaam «Baay.»

Efes 1:13,14 Te yéen itam, bi ngeen déggee kàddug dëgg gi, di xebaar bu baax, bi leen tegtal yoonu mucc, te ngeen gëm ko, Yàlla támpe na leen ni ñoñam ak Xel mu Sell, mi mu dige woon. 14 **

Efes 2:18 Ndaxte nun ñaar ñépp am nanu bunt ci Yàlla Baay bi, jaar ci Kirist, ci ndimbalu menn °Xel mu Sell mi.

Efes 4:30 Buleen yóbbe tiis Xelu Yàlla mu Sell, mi leen támpe ngir bésu goreel ba.

1 Tesalonig 4:8 Ku tanqamlu wax jii nag, defoo ko nit, Yàlla nga ko def, moom mi leen di jox °Xel mu Sell mi.

- 1 Tesalonig 5:19 Buleen fey taalu Xelum Yàlla,
- 2 Tesalonig 2:13 Kon nag bokk yi, yéen ñi Boroom bi bëgg, manunu lu dul sax ci sant Yàlla ci li mu leen tånn ca njàlbéen ga, ngir musal leen, mu sédde leen boppam jaarale ko ci jëfu °Xel mu Sell mi ak seen gëm dëgg gi. (1 Piyeer 1:2)
- Tit 3:5,6 ba musal nu; ajuwul ci jëf yu jub yu nu def, waaye ci yërmandeem rekk. Mu juddulaat nu ci laabal sunu xol, te yeesalaat nu ci dooley °Xel mu Sell, 6 mi mu nu sotti ba mu baawaan, ci darajay Yeesu °Kirist sunu Musalkat.
- Yawut Ya 2:4 Te it Yàlla dëggal na seen seede ci ay firnde ak ay kéemaan, ay jaloore yu bare ak ci ay may yu jóge ci °Xelam mu Sell, te mu séddale léen ni mu ko bëgge.
- Yawut Ya 10:15 Te it °Xel mu Sell mi seedeel na nu ko;
- 1 Piyeer 1:2 ci li mu leen xam bu jiitu, te sédde leen boppam ci jëfu °Xel mu Sell mi, ngir ngeen déggal ko, te seen xol laab ndax deretu Yeesu °Kirist. Na leen Yàlla dollil yiw ak jàmm.
- 2 Piyeer 1:21 Ndaxte kenn ci yonent yi masula wax ci coobarey boppam, waaye °Xel mu Sell mi daa na xiir nit ñi, ñu yégle kàddug Yàlla.
- 1 Yowaana 4:2 Ci lii lanu xàmmee Xelum Yàlla: mépp xel mu nangu ne, Yeesu °Kirist ñëw na, nekk nit, ci Yàlla la bokk.
- 1 Yowaana 5:7,8 Ndaxte am na ñetti seede: 8 Xel mi, ndox ak deret, te ñoom ñett ñépp, ñoo bokk benn baat.
- Yuud 1:20 Waaye yéen samay xarit, doolewuleen ci seen yoonu ngëm wu sell, tey ñaan ci dooley °Xel mu Sell mi,
- Màndir ma 11:25 Spirit of God on Moses put on 70 elders who prophesied.
- Ayóoba 33:4 The Xel Yàlla made me, and the Breath of the Almighty gave me life.
- Esai 11:2 the Spirit of the LORD shall rest upon Him, the Xel of wisdom and understanding, the Xel of counsel and might, the Xel of knowledge and of the fear of the LORD;
- Mika 3:8 I am full of power by the Xel of the LORD, and of judgment, and of might,
- Sakariya 4:6 Not by might, nor by power, but by My Xel, saith the LORD of hosts.